



Sámi allaskuvla

Sámi University of Applied Sciences

OAHPPOPLÁNA

Sosiála mediat álgoálbmogiid perspektiivvas 3

5 oahppočuoggá

Sámi journalistihka bachelorprográmma

1 Oahpu namma

Sámegillii: Sosiála mediat álgoálbmogiid perspektiivvas 3

Norsk: Sosiale medier i urfolksperspektiv 3

English: Social Media with Indigenous Perspective 3

2 Oppalaš dieđut oahpu birra

- Oahpu koda: JOU 103-3
- Viidodat: 5 oahppočuoggá
- Oahpu lágideapmi: Oahpahus lágiduvvo oahppobáikkis Sámi allaskuvllas.

3 Oahpu gullevažuohta

Oahppu lea geatnegahtton oassi Sámi journalistihka bachelorprográmmas.

4 Sisabeassangáibádusat

Jos leat olggobeale ohccit geat háliidit dán oahpu, de rahppo vejolašvuohtan dasa. Ohccit fertejit deavdit Sámi allaskuvlla vuodđooahpuid oppalaš sisaváldingáibádusaid.

Sisabeassanvuodđu sáhtta leat juogo oppalaš lohkan gelbbolašvuohta (čadahan joatkkaskuvlla/logahaga) dahje reálagelbbolašvuohta. Sáme giela gáibádusa sáhtta deavdit čuovvovaš vugiid mielde: Norgga joatkkaskuvllas sáme giella 1. dahje 2. giellan 2, Suoma logahagas eatnigielladutkkus dahje lohkan sáme giela vierrogiellan ja Ruota gymnásas eatnigiellan (modersmål 200 čuoggá) dahje odđáiigásaš giellan (moderna språk 200-300 čuoggá) dahje vástideaddji sáme gieloahppu doaibmi njuolggadusaid mielde. Sáme giela gáibádusa sáhtta maid deavdit sáme giela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvvoštallamii ja meannuduvvo dán vuodul.

5 Oahpahusgiella

Oahpahusgiella lea davvisáme giella, muhto skandináva gielat ja engelasgiella sáhttet geavahuvvot. Oahpahus eanjalgillii ii dulkojuvvo. Eará gielaide oahpahus dulkojuvvo dárbbu mielde.

6 Sisdoallu

Unnán lea guorahallon mo álgoálbmogat geavahit sosiála mediaid (SoMe) ja unnán lea čállon mo álgoálbmogat ávkkástallet Facebooka, Twittera, Instagrama, Youtuba ja Snapchata. Studeanta oahpásmuvvá dasa mo álgoálbmogat geavahit sosiála mediaid ja čiekŋuda dasa makkár odđasat begget SoMe plattformain. Studeantat oahpásmuvvá álgoálbmot mediaásahusaide geat buvttadit odđasiid ja reportášaid SoMe plattformain. Studeanta maid oahppá geaiguin gulahallá álgoálbmot servodagain go ohcá dieđuid ja odđasiid.

Dán oahpus čiekŋudat eanet mo álgoálbmogat geavahit sosiála mediaid ja mo sin geavaheapmi spiehkasta earáid ektui.

7 Oahppanjoksosat

Máhttu ja diehtu:

Studeanta

- čiekŋuda álgoálbmot ođđasiidda mat leat SoMe plattformain
- máhtá čuovvut álgoálbmot ođđasiid
- máhtá oheat ođđasiid ja dieđuid
- dovdá álgoálbmogiid mediafálaldagaid
- diehtá mo ođđasat váikkuhit álgoálbmot servodagaide
- máhtá analyseret mo ođđasat spiehkastit álgoálbmot plattformain majoritehta mediaid ektui

Gálggat:

Studeanta

- máhtá geavahit álgoálbmot SoMe siidduid
- máhtá oheat ođđasiid
- máhtá gávdnat sihke ođđasiid ja olbmuid geaid dárbaša gáldun
- máhtá čilget makkár ehtalaš čuolmmat leat SoMe buvttadeamis álgoálbmot servodagaid ektui

Oppalaš gelbbolašvuohta:

Studeanta

- dovdá álgoálbmot media ásahusaid
- máhtá analyseret SoMe álgoálbmot ođđasiid
- máhtá gulahallat mediaásahusaiguin ja olbmuiguin välljejuvvon ođasfáttáin

8 Oahpahan- ja oahppanvuogit

Dán fáttás lea oahpahas klássalanjas ja mis leat Skype logaldallamat álgoálbmot mediaásahusaiguin. Studeanttas fertejit leat rivttes reaiddut go guorahallet álgoálbmogiid SoMe plattfoarpmat ja movt bargat mobiila journalistihkain. Studeanttain leat bargobajit ja maddái joavkobarggut.

Vurdojuvvo ahte studeanta oassálastá aktiivvalaččat buot lágan oahpahasvugiide. Erenoamášvuohta dán oahpus lea ahte Sámi allaskuvla lágida gurssaid daningo unnán oahppogirjjit leat čállon mo álgoálbmogat geavahit sosiála mediaid. Fállat bagadallama, árvvoštallama ja čuovvolemiid.

9 Gáibádusat beassat eksámenii

Studeanttat čiekŋudit ja čállet čállosa mas árvvoštallat álgoálbmogiid sosiála media ođđasiid. Dán barggus leat sihke govat, teaksta, liŋkkat ja videot oassin, ja bargu galgá leat sullii njeallje (4) siidosáš.

Bargogáibádusaide gullet leat aktiivvalaččat mielde logaldallamiin ja buvttadit jeavddalačča geatnegahtton bargguid. Studeanttat geatnegahttojuvvojit čadahit studeantabargguid maid fágaoahpaheaddji almmuha logaldallamiid olis. Studeanttat čohkkejit geatnegahtton bargobihtáid bargomáhppii. Dohkkehuvvon bargomáhpa lea eaktun beassat eksámenii.

Oahpahus, seminárat ja SoMe kurssat leat geatnegahtton. Fállat bagadallama, árvvoštallama ja čuovvolemiid.

Kurssa dohkkeheami gáibádussan lea unnimusat 80 proseantta oassálastin ja buot bargobihtát galget leat máhcahuvvon ja 80 proseantta dohkkehuvvon. Fágaoahpaheaddji dohkkeha gáibádusaid beassat eksámenii.

10 Eksámen

Eksámen lea golmma beivásaš ovttaskaseksámen (individuálaeksámen) mas čiekŋuda álgoálbmot servodagaid hástalusaid SoMe fierpmádagas. Studeanta čállá sullii guhtta (6) siidosá eksámen čállosa mas guorahallet mo álgoálbmogat geavahit sosiála mediaid. Jos joavku dahje studeanta háliida ráhkadit filmma, de čielggaduvvo dát singuin.

Árvosánit addojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan- ja eksámennjuolggadusaide.

11 Leago privatisttain vejolaš váldit dán oahpu?

Ii leat.

12 Kvalitehtasihkkarastin

Čujuhuvvo Sámi allaskuvlla kvalitehtasihkkarastinvuogádahkii, ja makkár vejolašvuodát/geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraportta vuodul.

13 Lohkanmearri

Carlson, Bronwyn (2017) *Indigenous Social, Cultural and Political Engagements on Social Media*. Quet Creative Industries Indigenous Seminar Series 2017. Australia.

<https://nowalls.qut.edu.au/wp-content/uploads/2017/05/Bronwyn-Carlson-Indigenous-Seminar-Presentation.pdf>

Richmond C, Ross N and Egeland G (2007) *Social Support and Thriving Health: A New Approach to Understanding the Health of Indigenous Canadians*. Canada: Public Health report

Wilson P, Hearne J, Cordova A and Thorner S (2017) *Indigenous Media*. Oxford Bibliographies

Neahhta artihkkalat:

Why are Indigenous People Such Avid Users of Social Media?

<https://www.theguardian.com/commentisfree/2017/apr/27/why-are-indigenous-people-such-avid-users-of-social-media>

Creative Spirits (2017) *Aboriginal use of social media*. Australia

www.culturalsurvival.org

www.un.org/indigenous

www.iwgia.org

www.cbc.ca/indigenous

www.nitv.au

Lohkanmearri ja listu sáhtta rievdat jos bohtet ođđa ja buoret áigeguovdilis girjjit.